



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatus De Libertatibvs Ecclesiæ Gallicanæ**

**Charlas, Antoine**

**Leodii, 1684**

Cap. XIII. Ostenditur ex alio capite mancam esse Libertatum Ecclesiæ Gallicanæ definitionem.

**urn:nbn:de:hbz:466:1-38227**

Comitorum Regini Acta , tempore schismatis inter plures Pontifices , aut dissidiorum inter summos Pontifices , & Reges Galliae emissæ ; in neutro Canones allegari , nisi rarissimè , vel ad confirmanda generalia quædam , quæ ad dirimendas controversias modò non pertinent. Quomodò ergo libertates illæ definiunt antiquorum Canonum exacta custodia ? Scio equidem , idque jam in cap. i. notavi , duo hæc volumina Clero Gallico cum recens fuissent edita , displicuisse. Sed nonne doctrina in illis contenta quotidiana praxi confirmatur ? Nonne propter illa commendatur Author , quem Petrum Puteanum , seu Du Puy Consiliarium Regium , & Bibliotecæ Regiae Præfectum fuisse publica erat fama , & mox veritas prodidit. Vide Jacobum Moreri Lugdunensem Doctorem Theologum in suo Dictionario Historico anno 1681. edito.

## C A P U T X I I I .

*Ostenditur ex alio capite mancam esse Libertatum Ecclesiæ Gallicanæ definitionem.*

**I.** **D**um libertates Ecclesiæ Gallicanæ ita definiuntur , ut solius antiqui juris tuendi fiat mentio , novis Canonibus , novisque Decretis , quorum tamen sæpè maxima est necessitas , aditus omnis præcludi videtur. An ergo si nova necessitas novum requirat remedium , præstabit Religioni , aut Ecclesiæ perniciem afferri , quâm antiquos mores tantillum immutari ? Hoc adeò iniquum esset , ut Gallis in mentem venisse suspicari nefas sit. Illustrissimus Petrus de Marca licet libertates Ecclesiæ Gallicanæ ita definierit lib. 3. cap. 1. §. 7. *Ut sint nempè usus antiqui juris communis , eam definitionem aut emendavit , aut explicavit capite sequenti num. 1. in hunc modum ; Libertatem Ecclesia Gallica , Canonum & juris communis executione contineri diximus. Sed jus illud commune varie sumi potest : Aliud est enim jus commune antiquissimum , quod antiquos Canones , & Decreta Pontificum amplectitur , aliud jus commune , quod illis Canonibus , & præterea Decretalibus recentioribus Pontificum constat , prout apud nos usu recepto temp-*

E 3

rate

38 DE NATVRA, ORIGINE, AC PROGRESSV,  
rate sunt. HOC VLTIMO IVRE LIBERTATEM ECCLESIAE GAL-  
LICANÆ CONTINERI CONTENDIMVS, NON AVTEM PRIMO.  
Capite autem 6. num. 5. Libertatem, inquit, in recto antiqui, &  
novi juris usit constituimus, necessariaq; nostro seculo Decretalium definitio-  
nes, que novis negotiis prospexerunt NON ABSQVE MANIFESTA RA-  
TIONE existimamus.

2. Lefchassierius quidem in contrariam sententiam de-  
flexisse videtur; sed idem D. Petrus de Marca illi disertis  
verbis repugnat; Longissime, inquit, recedimus à Lefchassierio, qui  
asserit Curiis supremis Gallia concretam non solum libertatis Ecclesiastica pre-  
sentis tuitionem, sed vera illius germana, & Canonica, qua Apostolico, &  
primitivo jure Canonico nittitur. Adeout Magistratibus incumbat, Decretis suis  
disciplinam illam antiquam pau'atim restituere, CVM PER TEMPORVM  
INIVRIAM ID FIERNON POSSIT APERTE CONSTITUTI-  
BVS REGIIS.

3. Cæterum suam, totius etiam Ecclesiæ Gallicanæ sen-  
tentiam esse probat, ac fuisse illis etiam temporibus, cùm  
ferverent magis disceptationes, in quibus libertates Ecclesiæ  
Gallicanæ altius personabant, ut jam supra vidimus. Sic  
enim prosequitur cap. 6. Non alia mens est aut B. Ludovici, atti Car-  
oli VI. & totius Ecclesiæ Gallicane, cùm libertatem Ecclesiæ in jure communi  
versari contendunt; ANTIQVOS enim CANONES, & IUS COM-  
MVNE intelligebant, quod Gratiani Decreto, & Decretalibus erat comprehen-  
sum; idque ratione probat, & autoritate in hunc modum.  
Id manifeste probatur non solum ex eo quod vetus Codex Canonum illis esset in-  
cognitus, sed etiam à Concilio Constantiensi; Etenim Sessione 39. cùm de  
fidei professione à Papa edenda caveret, NON SOLVM OCTO CONCI-  
LIA OECVMENICA ab illo conservanda decernit; SED ETIAM LA-  
TERANENSE, LVGDVNENSE, ET VIENNENSE. Quare seculo  
Caroli VI. Conciliorum generalium nomine Ecclesia Gallicana non solum vetera,  
sed etiam recentiora illa intelligebat.

4. Quin etiam Decretales omnes ferè, paucissimis ex-  
ceptis in Gallia locum habere testatur. Enim verò, inquit, in  
Gallia quod ad disciplinam attinet, Decretalium constitutis locum damus, cum  
bona Pontificum venia, qua nostris rebus, & utilitati publica accommodata  
sunt, id est omnibus ferè, paucissimis exceptis. Operæ pretium esset,  
ut assignarentur paucissimæ illæ constitutiones, quia si in  
minimo numero sunt, facilius indulgere possent summi  
Pon-

Pontifices, ut ab illarum executione Galli abstinerent: Nec paucissimarum illarum prætextu aliæ respuerentur; Itaque vel non orirentur, vel nullo negotio compōnerentur plurimæ contentiones, ob quas Christianissima illa gens apud cæteras malè audit.

5. Igitur libertates Ecclesiæ Gallicanæ in sola juris antiqui observatione male reponunt communiter Autores Gallicani, siquidem tanta est illorum dissensio in assignando illo jure antiquo, seu Codice, in quo continebatur, ac præterea paucissimi ex antiquis Canonibus magis in Gallia, quam alibi vigent; Multi etiam minus, quam alibi; Nonnulli ejusmodi sunt, ut si quis eos in usum revocare tentaret, ab ipsis libertatum vindicibus cohiberetur. Plurimi nullibi observantur, ut eos percurrenti ad oculum patet.

6. Sanè si quis attentiùs consideret, quæ hodiè geruntur in Gallia prætextu libertatum Ecclesiæ Gallicanæ, quæque de illis scribuntur, eas non ineptè definiri posse arbitrabitur: OPPRESSIONEM JURISDICTIONIS ECCLESIASTICÆ A LALCA, ET DEPRESSIONEM AVTORITATIS ROMANI PONTIFICIS A CLERO GALLICANO. Verūm quia iniquum esset, injurias illas toti Clero, & Populo Christianissimi, ac florētissimi illius Regni adscribere, aut quid in certis casibus agatur, dumtaxat attendere, tradenda esset libertatum illarum definitio, minus odiosa, & tamen à communiori scriptorum Gallicanorum doctrina, & frequentiore usu illius Regni minus remota, quam quæ sola Canonum antiquorum observatione continetur.

7. Vocantur igitur non incongruè *Libertates Ecclesiæ Gallicane*; ARBITRIVM EX ANTIQVIS ECCLESIA DECRETIS RETINENDI, ET EX NOVIS ADMITTENDI EA QVÆ VIDENTVR UTILIA, Quandoquidem illic, & antiqua quamplurima fuerunt abrogata, & nova omnia, si non acceptentur vi carere dicuntur.

C A-